



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

Complectens copiosè Resolutiones Theologicas, etiam modernas, ad
proxim accommodatas

Archdekin, Richard

Antverpiæ, 1682

Novum Decretum Innocentij XI. de 65. Propositionibus, totum inseritur.

urn:nbn:de:hbz:466:1-40873

Pars 3. tract. I. Sententiae quædam prohibite. 51

45. Libri prohibiti, donec expurgentur, possunt retineri, usque dum adhibitâ diligentia corrigantur.

Quibus maturè pensatis, idem Sanctissimus statuit, ac decrevit prædictas Propositiones, & unamquamque ipsarum, ut minimum, tanquam scandalosas esse damnandas, & prohibendas, sicut eas damnat, ac prohibet. Ita ut quicunque illas, aut conjunctim, aut divisim docuerit, defenderit, ediderit, aut de eis etiam disputative, publicè aut privatim tractaverit, nisi forsan impugnando, ipso facto incidat in excommunicationem, à qua non possit (præterquam in articulo mortis) ab alio quacumque etiam dignitate fulgente, nisi à pro tempore existente Romano Pontifice, absolvî.

Insuper districte in virtute sanctæ obedientiae, & sub interminatione Divini Judicii prohibet omnibus Christi fidelibus cujuscumque conditionis, dignitatis, ac status, etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

Ioannes Lupus, Sancta Romana & Universalis Inquisitionis Not. Loco  Sigilli.

INNOCENTII XI.

Decretum contra Propositiones 65.

Feria Quinta Die II. Martii M. DC. LXXIX.
In generali Congregatione S. ROMANÆ & universalis Inquisitionis habitâ in Palatio Apostolico

C 2

Vati-

52 Pars 3. tract. 1. Sententia quædam prohibita.
Vaticano coram Sanctissimo D. N. D. INNOCEN-
TIO divina Providentia Papa XI. Ac Eminentissi-
mis & Reverendissimis Dominis S. R E. Car-
dinalibus in totâ Republicâ Christianâ contra hære-
ticam pravitatem generalibus Inquisitoribus, à San-
ctâ Sede Apostolicâ specialiter deputatis.

S Anctissimus D. N. Innocentius Papa XI.
prædictus, ovium sibi à Deo creditarum sa-
luti sedulò incumbens, & salubre opus in segre-
gandis noxiis doctrinarum pascuis ab innoxii
à fel. record. Alexandro VII. Prædecessore suo
inchoatum prosequi volens, plurimas proposi-
tiones, partim ex diversis, vel libris, vel thesi-
bus, seu scriptis excerptas, & partim noviter
adiventas, Theologorum plurium examini, &
deinde eminentissimis & reverendissimis Domi-
nis Cardinalibus contra hæreticam pravitatem
generalibus Inquisitoribus subjecit. Quibus pro-
positionibus sedulò, & accutatè sèpiùs discussis,
eorumdem eminentissimorum Cardinalium, &
Theologorum votis per Sanctitatem Suam au-
ditis: Idem Sanctissimus D. N. re poste à ma-
trè consideratâ, statuit, & decrevit pro nunc
sequentes propositiones, & unamquamque ip-
farum, sicut jacent, ut minimum tamquam scan-
dalosas, & in praxi perniciosas, esse damna-
das, & prohibendas, sicuti eas damnat, & pro-
hibet. Non intendens tamen Sanctitas Sua per
hoc Decretum alias propositiones in ipso non
expressas, & Sanctitati Suæ quomodolibet, &
ex quacunque parte exhibitas vel exhibendas,
ullatenus approbare.

I. No. 3

Pars 3. tract. I. Sententia quedam prohibita. § 3

1. Non est illicitum in Sacramentis conferendis sequi opinionem probabilem de valore Sacramenti, relictâ tuitore, nisi id vetet lex, conventio, aut periculum gravis damni incurandi, hinc sententia probabili tantum utendum non est in collatione Baptismi, Ordinis Sacerdotalis, aut Episcopalis.
2. Probabiliter existimo, Iudicem posse judicare juxta opinionem etiam minus probabilem.
3. Generatim dum probabilitate, sive intrinsecâ, sive extrinsecâ quantumvis tenui, modo à probabilitatis finibus non exeat, consimilis aliquid agimus, semper prudenter agimus.
4. Ab infidelitate excusabitur Infidelis non credens ductus opinione minus probabili.
5. An peccet mortaliter, qui actum dilectionis Dei semel tantum in vita eliceret, condemnare non audiemus.
6. Probabile est, ne singulis quidem rigorosè quinquagenniis per se obligare preceptum charitatis erga Deum.
7. Tunc solum obligat, quando tenemur justificari, & non habemus aliam viam, quam justificari possimus.
8. Comedere, & bibere usque ad satietatem ob solam voluptatem non est peccatum, modo non ob sit vanitutini, quia licet potest appetitus naturalis suis actionibus frui.
9. Opus Conjugii ob solam voluptatem exercitum omni penitus caret culpa, ac defectu veniali.
10. Non tenemur proximum diligere actu interno, & formaliter.
11. Precepto proximum diligendi satisfacere possumus per solos actus externos.
12. Vix in Secularibus invenies, etiam in regibus,

54 Pars 3. tract. I. Sententia quædam prohibite.
bus, superfluum statui. Et ita vix aliquis tenetur
ad eleemosynam, quando tenetur tantum ex superfluo
statui.

13. Si cum debitâ moderatione facias, potes ab-
que peccato mortali de vitâ alicujus tristari, & de
illius morte naturali gaudere, illam inefficaci affer-
tu petere, & desiderare; non quidem ex displicen-
tiâ persona, sed ob aliquod temporale emolumen-
tum.

14. Licitum est absoluto desiderio cupere mortem
Patris, non quidem, ut malum Patris, sed ut bo-
num cupientis, quia nimur ei obuentura est pinguis
hereditas.

15. Licitum est filio gaudere de parricidio Parenis
a se in ebrietate perpetrato, propter ingentes divitias in-
de ex hereditate consecutas.

16. Fides non censetur cadere sub preceptum specia-
le, & secundum se.

17. Satis est actum fidei semel in vita eli-
dere.

18. Si à potestate publicâ quis interrogetur, fa-
dem' ingenuè confiteri, ut Deo, & fidei gloriosum
consulo, tacere, ut peccaminosum per se non dam-
no.

19. Voluntas non potest efficere, ut assensus fidei in su-
ipso sit magis firmus, quam mereatur pondus rationum
ad assensum impellentium.

20. Hinc potest quis prudenter repudiare assensum,
quem habebat supernaturalem.

21. Assensus fidei supernaturalis, & utilis ad sa-
lutem stat cum notitiâ solum probabili revelationis;
immò cum formidine, quā quis formidet, ne non sit
locutus Deus.

22. Non nisi fides unius Dei necessaria videtur
necessaria

Pars 3. tract. 1. Sententiæ quædam prohibita. 55
necessitate medii, non autem explicita Remunera-
toris.

23. Fides latè dicta ex testimonio Creaturarum si-
milivè motivo ad justificationem sufficit.

24. Vocare Deum in testem mendacii levis non est
tanta irreverentia, propter quam velit aut possit dam-
nare hominem.

25. Cum causâ licitum est jurare sine animo juran-
di, sive res sit levis sive gravis.

26. Si quis, vel solus, vel coram aliis, sive in-
terrogatus, sive propriâ sponte, sive recreationis cau-
sâ, sive quocumque alio sine juret, se non fecisse a-
liquid, quod revera fecit, intelligendo intra se ali-
quid aliud, quod non fecit, vel altam viam ab eâ, in
quâ fecit, vel quodvis aliud additum verum, revera
non mentitur, nec est perjurus.

27. Causa justa utendi his amphibologiis est, quo-
ties id necessarium aut utile est ad salutem corporis,
honorem, res familiares tuendas, vel ad quemlibet a-
lium virtutis actum, ita ut veritatis occultatio censem-
tur tunc expediens & studioſa.

28. Qui mediante commendatione, vel munere ad
magistratum vel Officium publicum promotus est, pote-
rit cum restrictione mentali praestare juramentum, quod
de mandato Regis à similibus solet exigi, non habito
respectu ad intentionem exigentis, quia non tenetur fa-
teri crimen occultum.

29. Vrgens metus gravis est causa justa, Sacra-
mentorum administrationem simulandi.

30. Fas est viro honorato occidere invasorem, qui
nititur calumniam inferre, si aliter hac ignominia vi-
tari nequit; idem quoque dicendum, si quis impingat
alapam, vel fuste percutiat, & post impactum ala-
pam, vel ictum fustis fugiat.

56 Pars 3. tratt. I. Sententia quædam prohibita.

31. Regulariter occidere possum furem pro conserva-
tione unius aurei.

32. Non solum licitum est defendere defensione oc-
cisiuā, qua actū possidemus, sed etiam ad qua jus
inchoatum habemus, & qua nos possessuros spera-
mus,

33. Licitum est iam heredi, quam legatario con-
tra iustè impeditentem, ne vel hereditas adeatur, vel
legata solvantur, se taliter defendere, sicut & jus ha-
benti in cathedram vel præbendam contra eorum posse-
sionem iustè impeditentem.

34. Licet procurare abortum ante animationem fæ-
tus, ne puella deprehensa gravida occidatur, aut in-
fametur.

35. Videtur probabile omnem fœtum, quamdiu in
utero est, carere animâ rationali, & tunc primum
incipere eamdem habere, cum paritur, ac consequen-
ter dicendum erit in nullo abortu homicidium com-
mitti.

36. Permissum est furari, non solum in extremâ ne-
cessitate, sed etiam in gravi.

37. Famuli, & famula domestice possunt ocul-
tè heris suis surripere ad compensandam operam
suam, quam majorem judicant salario, quod reci-
piunt.

38. Non tenetur quis sub pœnâ peccati mortalis re-
stituere, quod ablatum est per pauca furta, quantum-
cumque sit magna summa totalis.

39. Qui alium movet aut inducit ad inferendum
grave damnum tertio, non tenetur ad restitucionem
istius damni illati.

40. Contractus Mohatra licitus est, etiam respectu
ejusdem personæ, & cum contractu retrovenditionis præ-
viè inito, cum intentione lucri.

41. Cùm numerata pecunia pretiosior sit numeran-
dâ

Pars 3. tract. 1. Sententiæ quædam prohibitæ. 57
dā, & nullus sit, qui non majoris faciat pecuniam præ-
sentem quam futuram, potest creditor aliquid ultrà
sortem à mutuatario exigere, & eo titulo ab usurâ ex-
cusari.

42. Usura non est, dum ultrà sortem aliquid ex-
gitur, tamquam ex benevolentia & gratitudine debi-
tum, sed solum, si exigatur tamquam ex justitiâ de-
bitum.

43. Quidam non nisi veniale sit detrahentis au-
toritatem magnam, sibi noxiā, falso crimine eli-
dere?

44. Probabile est non peccare mortaliter, qui impo-
nit falsum crimen alicui, ut suam justitiam & hono-
rem defendat. Et si hoc non sit probabile, vix ulla erit
opinio probabilis in Theologiâ.

45. Dare temporale pro spirituali non est simonia,
quando temporale non datur tamquam pretium, sed
dumtaxat tamquam motivum conferendi vel effi-
ciendi spirituale, vel etiam quando temporale sit
solum gratuita compensatio pro spirituali, aut &
contra.

46. Et id quoque locum habet, etiam si temporale sit
principale motivum donandi spirituale; immo etiam si sit
finis ipsius rei spiritualis, sic ut illud pluris estimetur,
quam res spiritualis.

47. Cum dixit Concilium Tridentinum eos alienis
peccatis communicantes mortaliter peccare, qui, nisi quos
digniores & Ecclesiæ magis utiles ipsi judicaverint, ad
Ecclesiæ promovent, Concilium, vel primò videtur
per hoc digniores non aliud significare velle, nisi digni-
tatem eligendorum sumpto comparativo propositivo;
vel secundo, locutione minus propriâ ponit digniores, ut
excludat indignos, non verò dignos; vel tandem loquitur
tertiò, quando sit concursus.

48. Tam clarum videtur, fornicationem secundum

58. Pars 3. tract. 1. Sententia quedam prohibita.
se nullam involuere malitiam , & solum esse malam ,
quia interdicta, ut contrarium omnino rationi dissonum
videatur.

49. Mollities jure naturae prohibita non est. Vnde , si
Deus eam non interdixisset, sepe esset bona, & aliquan-
do obligatoria sub mortali.

50. Copula cum conjugata , consentiente marito , non
est adulterium; adeoque sufficit in confessione dicere , se
esse fornicatum.

51. Famulus qui submissis humeris scienter adjuvat
herum suum ascendere per fenestras ad stuprandum vir-
ginem, & multoties eidem subservit deferendo scalam ,
aperiendo januam, aut quid simile cooperando , non pec-
cat mortaliter , si id faciat metu notabilis detrimenti ,
puta ne à Domino maledicetur , ne torvis oculis aspi-
ciatur, ne domo expellatur,

52. Preceptum servandi festa non obligat sub morta-
li, seposito scandalo, si absit contemptus.

53. Satisfacit precepto Ecclesie de audiendo Sacro ,
qui duas ejus partes, immò quatuor , simul à diversis
celebrantibus audit.

54. Qui non peteat recitare Matutinum & Laudes,
potest autem reliquas Horas, ad nihil tenetur, quia ma-
jor pars trahit ad se minorcm.

55. Precepto Communionis annua satisfit per sacrile-
gam corporis Domini mandationem.

56. Freqnens Confessio & Communio, etiam in his ,
qui gentiliter vivunt, est nota prædestinationis.

57. Probabile est , sufficere attritionem naturalem ,
modo honestam.

58. Non tenemur Confessorio interroganti fateri pec-
cati alicuius consuetudinem,

59. Licet Sacramentaliter absolvere dimiditate tan-
cum confessos ratione magni concursus Pœnitentium, qua-
lis

Pars 3. tract. I. Sententiae quædam prohibitæ. 59
lis v.g. potest contingere in die magna alicujus festivita-
tis, aut Indulgentia.

60. Pœnitenti habenti consuetudinem peccandi contra
legem Dei, naturæ, aut Ecclesie, et si emendationis spes
nulla appareat, nec est neganda, nec differenda absolutio;
dummodo ore proferat, se dolere, & proponere emenda-
tionem.

61. Potest aliquando absolvi, qui in proximâ occasio-
ne peccandi versatur, quam potest, & non vult omitte-
re, quinimmo directè & ex proposito querit, aut ei se
ingerit.

62. Proxima occasio peccandi non est fugienda,
quando causa aliqua utilis aut honesta non fugiendi oc-
currit.

63. Licitum est querere directè occasionem proximam
peccandi pro bono spirituali vel temporali, nostro vel
proximi.

64. Absolutionis capax est homo, quantumvis
laboret ignorantia mysteriorum Fidei, & etiamsi per
negligentiam, etiam culpabilem, nesciat Mysterium San-
ctissime Trinitatis & Incarnationis Domini Nostri IESV
CHRISTI.

65. Sufficit illa Mysteria semel credidisse.

Quicumque autem cujusvis conditionis, sta-
tus & dignitatis, illas vel illarum aliquam, con-
junctim vel divisim, defenderit, vel ediderit,
vel de eis disputativè, publicè aut privatim tra-
ctaverit vel prædicaverit, nisi forsèn impug-
nando, ipso facto incidat in excommunicatio-
nem latæ sententiae, à qua non possit (præter-
quam in articulo mortis) ab alio quacumque
etiam dignitate fulgente, nisi pro tempore exi-
stente Romano Pontifice absolvı.

Insuper distictè in virtute Sanctæ Obedien-
tiæ, & sub interminatione Divini Judicii pro-
hibet

60 Pars 3. tract. 1. Sententia quedam prohibita.
hibet omnibus Christi Fidelibus cujuscumque
conditionis, dignitatis, & status, etiam specia-
li, & specialissimā notā dignis, ne prædictas
Opiniones, aut aliquam ipsarum ad praxim de-
ducant.

Tandem, ut ab injuriosis contentionibus Do-
ctores, seu Scholastici, aut alii quicumque
impostorum se abstineant, & ut paci & chari-
tati consulatur, idem Sanctissimus in virtute
Sanctæ Obedientiæ eis præcipit, ut tam in li-
bris imprimendis, ac manuscriptis, quam in
thesibus, disputationibus ac prædicationibus ca-
veant ab omni censurā, & notā, nec non à
quibuscumque conviciis contra eas proposicio-
nes, quæ adhuc inter catholicos hinc indè con-
trovertuntur, donec à S. Sede recognitæ super
iisdem propositionibus judicium proferatur.

Franciscus Riccardus Sanctæ Romanae; & universalis
Inquisitionis, Notarius. Loco + Sigilli.

Anno à Nativitate D. N. Iesu Christi 1679.
Indictione secunda, die vero 4. mensis Martii, Pontifi-
catus autem Sanctiss. D. N. Innocentii Divinæ providen-
tiæ Papæ XI. anno tertio, supradictum Decretum af-
fixum, & publicatum fuit ad valvas Basilice Princi-
pis Apostolorum, &c. per me Franciscum Perinum.

Nota, Propositionum istarum ferè singulos in
Operis hujus cursu tractari. Mohet autem S.
Congregatio accipiendam esse unamquamque
ipsarum, sicut jacent: sicut enim sufficere po-
tereatur prohiberi, sic etiam aliqua particula
adjecta, omissa, vel limitata, efficere posset ut
eadem sit tota à se, vel à prohibitis diversa.

CON